



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cura Salvtis, Sivæ De Statu Vitæ Mature ac Prudenter  
Deliberandi Methodus**

**Hevenesi, Gábor**

**Coloniae, 1716**

**VD18 13912755**

An cognati de Statu vitæ consulendi.

[urn:nbn:de:hbz:466:1-50144](#)

caret vigilantia superiorum , exemplis  
Fratrum, communicatione meritorum  
in vita, suffragiis in morte.

10. Status Clericalis nec habet licetè  
commoda secularium , nec media &  
solatia spiritualia Religiosorum : & ta-  
men , bis miseri , eandem cum his ha-  
bent obligationem ad perfectionem &  
paria cum illis , vel etiam potiora sa-  
lutis pericula.

11. Status Ecclesiastici dignitas &  
prærogativa sita est in cura animarum ;  
Postquam autem aliquis ad pinguis  
Beneficium promovetur , facilè transit  
in oblivionem cura hæc animarum , &  
illi succedit cura commoditatum. Quid  
hinc aliquando solatii in agone.

### An cognati de Statu vitæ con- sulendi.

1. **E**lectio status ita res cuique pro-  
pria est , ut de ea deliberaturus  
imaginari sibi debeat , ac si nihil in orbe  
existeret , præter se , & DEUM ; hanc  
que unicam sibi curam esse debere , ut  
DEO satisfaciat. Unde clarum fit , se-  
ponendum esse omnem humanum re-  
spectum; non audiendam ullam vocem ,  
nisi

nisi DEI ; nec alias considerationes penſi  
habendas, præterquam æternas.

2. Cognati in eo toti sunt, ut sanguine juncto statum Ecclesiasticum sua-deant, quâ in re nec illis incidit, ut id suadeant ob salutem animæ, sed ob spem ejus promotionis, ob spem & cu-piditatem hæreditatis obtainendæ, ut-pote quæ cognato in hoc statu necessa-ria non sit futura ; ob desiderium opum à Cognato obtainendarum, &c. Suum hic nempe, non Cognati bonum quæ-runt.

3. Sicut æger volens curari non vo-cat sartorem in consilium, sed medi-cum ; ita suæ animæ salutem quæsi-turus non debet in deliberationem ad-mittere Cognatos, quia : *Animalis homo non percipit ea, quæ sunt Spiritus.*

4. Quid imprudentius, quâm si quis periculose iter facturus viæ ducem eligat, qui nunquam iter illud iverit, cùm plurimos habeat ejus viæ experti-simos. Qui sentiret stimulos ad Religio-nem, cur sæculares hac de re consulere oportet ? quid illi hac de re intelli-gunt ? Qui totus est in appetitu tempo-ralium, quomodo suadebit horum de-sertionem & contemptum.

5. *Inimici hominis domestici ejus.*  
**Matth. 10.** Cognati plerumque non te,  
 sed tua quærunt, imò sua quærunt.  
 Habent fines planè inordinatos, eorum  
 cogitatio ultra temporalia non assurgit;  
 & quâ securitate horum consiliis innite-  
 ris?

6. A te DEUS, & non à Parentibus  
 aut Cognatis, de te rationem exiget. Tu  
 à DEO bonorum remuneratore, & ma-  
 lorum vindice, non à Cognatis recipies,  
 prout gesseris in corpore, sive bonum, svi-  
 malum.

7. Ubi nunc essent Sancti, Thomas,  
 Aloysius, & innumeri alii, si Parentum  
 & Cognatorum consilia secuti fuissent?

8. Si cœcus cœco ducatum præstet?  
 nonne ambo in foveam cadunt. Sed di-  
 cunt amici, ut observat S. Bernardus:  
*Noli precipitantur agere; diu considera:*  
*magnum est, quod proponis, est opus mul-*  
*tæ deliberatione; experire, quid possis? a-*  
*micos consule, ne post factum pœniteat,*  
*Hec sapientia mundi terrena, animalis,*  
*diabolica, inimica salutis, suffocatrix vi-*  
*tæ, mater est tepiditatis, quæ solet Domino*  
*vomitum provocare. Ita ille.*

9. Ut tuis beneficis, cur tu te velis ani-  
 mæ periculis abiicere? ut tui Fratres  
 ma-

magis optimam habeant hæreditatem, ut facilius accommodentur; ne familia nimirum propagetur; ut Cognatos juvare possis; frivolæ considerationes sunt, quid hæ tibi prodeßent, si tu perires?

10. *Malè de causa vitæ consilium à fautoribus mortis quæris.* ait S. Gregorius: Si Consiliarium quæris, nullus tibi potest esse fidelior, quām qui non tua, sed te, imò non te, sed animam tuam diligit. Outinam pauci sint, qui vel Parentum suasu, vel Cognatorum hortatu vocationem, quam senserunt, negligentes beatam æternitatem perdiderunt, illud à DEO sibi exprobrari audientes: *Vocavi te, renuisti: ego quoque in interitu tuo ridebo.* Quod his infelicibus fatum est, tibi quoque, qui nunc deliberas, fieri poterit, si Cognatorum amor apud te DEI amori, & hominum consilia divinæ voluntati prævaleant. Audi, quid loquatur in te Dominus, non quid suadeat Cognatus tuus. Ejus proinde voluntas, non hominum est exequenda.

### Considerationes pro Religioso Statu.

I. **R**eligiosum statum sæculari meliorem & perfectiorem esse Christus  
H 3 ipse